

آبونه شمراطی

داخلی ، خارجی هر بر ایچوز  
سنه لی (۲۵۰) ، آلتی آیلغی  
(۱۳۰) فروشدر .

[ نسخه سی ۵ فروش ،  
سنه لی ۵۲ نسخه در . ]

اداره خانه

باب عالی جاده سنده دائرة مخصوصه

اخطارات

آبونه بدلی پشیندر

مسلمه موافق آثار مع المذونیه  
قبول اولنور . درج ایدلین  
یا یار اعاده اولونماز .

# تذکره اشرف ادیب

تذکره اشرف ادیب

دینی ، فلسفی ، علمی ، ادبی هفتعلق مجموعه اسلامیه در

والله یهدی من یشاء الی صراط مستقیم

باش محرد  
محمد عاکف

صاحب و مدیر مسئول  
اشرف ادیب

اتبعون اهدکم سبیل الرشاد

عدد : ۳۶۵

۸ ذی القعدة ۱۳۳۶

پنجشنبه

۱۵ آغستوس ۱۳۳۴

جلد ۱۵

ازواج بأنفسها قائم و بدنند حس اولسان ابعاض واجزایہ  
مغایر جواهر درکہ بعدالموت دراک اولهرق قالور . جمهور صحابہ  
وتابعین رضی اللہ عنہم حضراتی بواعتماد اوزرہ ایدیلر، آیات کریمہ  
وسنن نبویہ دہ بونی ناطقہدر . جمیع امواتک روحلری بدنلرندن  
مفارقت ایلدکن صکرہ باقی اولدینی حالہ آیت کریمہ دہ حیات  
شہداتک تخصیص بالذکر بیورلسنہ نظراً او حیاتک ، سائر ناسک  
حیاتلرندن بشقہ بر حیات خصوصیه اولدینی اکلاشلدینی کبی ارواح  
شہداتک مابہ الامتیازی اولان او حیات خصوصیه بر حیات غیبیه  
اولوب تفصیل حقیقتنہ اطلاع حدود ادراکزک خارجنہ بولدیغنه  
وبواجب وحی ایلہ بیلتور شیلردن اولدیغنه آیت کریمہ دہ رمز  
واشارت دخی وار .

بعضیلری دیدی کہ: بو آیت کریمہ شہداء بدرحقندہ نازل اولدی؛  
غزوة بدرده آلتیسی مهاجریندن وسکیزی انصاردن اولمق اوزرہ  
اون درت نفر صحابی شہید اولمشیدی . ناس تحسر صورتیلہ فلان  
وفلان اولدی دیورلر ایدی . جناب حق انلر حقندہ - اولدیلر -  
دینامکدن نہی بیوردی . شہداء بدرک اسملری شودر :

مهاجریندن : عبیدہ بن حرث بن عبدالمطلب ، عمر بن ابی  
وقاص ، ذوالشمالین ، عمر و بن نفیلہ ، عامر بن بکر ، اممہج  
بن عبداللہ .

انصاردن : سعید بن خثیمہ ، قیس بن عبدالمنذر ، زید بن  
الحرث ، تمیم بن الہمام ، رافع بن المعلی ، حاثہ بن سراقہ ، معوذ بن  
عفراء ، عوف بن عفراء - رضوان اللہ تعالیٰ علیہم وعلیٰ نظائرہم  
اجمیعین .

بوکونہ قدرلسان توقیر امت ایلہ یاداولنان والی الابد فراموش  
ایدیلمہ جک اولان بو وائالی بر آووج عزیز و مبارک شہیدلرمنزک  
عزم مردانہ وجلادت جانسپارانہلری وخیر الاخلاقلرینک صولت  
دایرانہلریلہ نہایت یوزبیکارجه افرادلی اردوی اسلام ظہورہ کلدی .

ولنبلوکم بشی من الخوف والجوع ونقص من الاموال  
والانفس والثمرات وبشر الصابرين

سورۃ بقرہ ، آیت ۱۵۶

حقہ دعوت وحقی مدافعہ اوغورندہ مؤمنلرک هدف اتخاذا  
ایدہ جکاری شہادتک فضیلتی جناب منزل الفرقان آیت سابقہ دہ  
ذکر ایتمشیدی . شمدی دہ انلرک مصادف اولہ جقلری مجموع  
مصائبی ذکر ایلہ شویلہ بیوریور : [ ای مؤمنلر ] سزی البتہ  
خوف وجوعدن برشی واموال وانفس وثمراتدن بر نقصان ایلہ  
ابتلا ایدہ جکیز . سن صابرینی [ کافہ امورده حسن عاقبت ایلہ ]  
تبشیر ایت .

ایمانہ مجرد اتساب ، وسعت رزقی ، قدرت و سلطوتی ، انتفاء  
مخاوف واحزانی ایجاب ایتیوب بونلر مخلوقاتندہ کی سنن علیہ سبیلہ

کشی ایلہ ، دہا بشقہ برنی آدمسز نک باشنہ کچیورلر ایدی .  
اوصردہ افقی قابلایان بیوک بر غلبہ لک کورہ رک بونلرک کندی  
امت اولدقلرینی ایدایتدم . موسی ایلہ قومی اولدقلری سویلندی .  
وسکرہ بکا: شو وشوجہتہ باقی دنیلدی . افقی قابلامش بویوک بر غلبہ لک  
کوردم . بونلر سنک امتکدر . آرہ لرنده یتمش بیک کشی وارکہ بلا  
حساب جنتہ کیرہ جکاردر . دنیلدی .

ابن عباس دیورکہ: رسول اللہ صلی اللہ علیہ وسلم بونلر کیملر  
اولدقلرینی ایضاح ایتدم دن خلق طاغیلدی . بالآخرہ اصحاب رسول اللہ  
صلی اللہ علیہ وسلم بونلرک کیملر اولہ بیلہ جکارینی آرہ لرنده مذاکرہ  
ایتدیلر . و دیدیلر کہ بز ، شرک ایچندہ طوغدق . فقط صکرہ اللہ  
ورسولنہ ایمان شرفنہ نائل اولدق . بونلر اولسہ اولسہ بزم اولادیمز  
اولہ جقدر . بو قرارلری رسول اللہ صلی اللہ علیہ وسلم افندیغزہ بالغ  
اولونجہ بیوردیلر کہ: اونلر تطیر ایتیمان ، کی ورقیہ یامیان ، خالقلرینہ  
توکل ایدنلردر .

عبدالمنز چاوش

مترجمی: محمد شوکت



## آیات فرقانیہ

« ولا تقولوا لمن يقتل فی سبیل اللہ اموات بل احياء

ولكن لا تشعرون » - سورۃ بقرہ ، آیت ۱۵۵

جناب حق مؤمنلرک دعوت دین و تقریر دین یولندہ تصادف  
ایدہ جکاری مقاوملری و کافرین و منافقینک ، اصحاب محمد [ صلی اللہ  
علیہ وسلم ] بر آدمی دعوتندہ تأیید واعزاز ایچون نفسلرینی بذل  
ایدیورلر ، قتلہ هدف اولیورلر ، قیمتدار حیاتلرینی غائب ایلدیورلر ،  
کبی سوزلر سویلہ جکارینی بیلدیکندن بومقاومت و تفوہلرہ مؤمنلرک  
نصل مقابله ایلہ جکارینی کندیلرینہ تعلیم ایدرک اول صبر و صلاۃ  
ایلہ استعانہ ایللرینی امر ایلدی .

شمدی دہ بو آیت کریمہ دہ فی سبیل اللہ بذل جان ایدنلرک حیات ابدیہ یہ  
نائل اولدقلرینی بیان ایلہ حقہ دعوت وحقی حیاہ یولندہ استعانہ  
اولنہ جق اک عظیم شینک مرتبہ شہادت اولدیغنه اشارت بیوریور  
وشویلہ امر ایدیور : وسز فی سبیل اللہ قتل اولنانلرہ امواتردیمہ یک .  
انلر [ اموات دکل ] ، بر حیاتدرلر ، لکن [ انلرک حیاتلرینی ] سز  
حس ودرک ایتمز سکیز . [ زیرا او حیات ، مشاعر ایلہ ادراک اولنان  
عالم حسدہ دکادر . انلرک سزک حدود ادرا کککز فوقندہ بر حیات  
ایلہ جهان قدسہ انتقال ایتمش زندکاندر . انلر دارالصفا  
رضواندہ بلا ومستثنا الطاف ربانیہ ایلہ متمم و کامراندرلر ]



جریان ایلدیکنی جناب حق و مؤمنانہ بوآیت کریمہ ایلہ تعلیم بیوردی . انسان گاہ اموالندہ ، گاہ نفسندہ ، گاہ ثمرات و محصولاتندہ بر آفت ایلہ مصاب اولور . بعضاً اولور که حرق و یاغرق و یا تالان و یا بشقه صورتلرله اموال تلف اولور . بعضاً اولور که متعلقات و اوداسنک و علی الخصوص ثمره قالی اولان اولادنک ضیاعیلہ انسان محروق الفؤاد اولور . بعضاً اولور که اعدانک کثرت و قوتندن خوف و اندیشه اولنور . بعضاً اولور که قحط و غلا ایلہ و یا محافظه بلاد ایچون ایدیلن جهاددن ناشی اراضی زراعت ایدیلہ میوب معطل قالمش اولمسیله آچلق حصوله کلور . ایددی فهم و دلیر اولانلر ، شددانک و مخاطراته مقاومتی کندیلرینه شعار ایدوبده مجاری اقتداردن استفاده ایدنلر و بوضورتله حسن عاقبت ایلہ مبشر اولمغه اهل اولانلردر . اسلامک ظهورندن مککنک فتحنه قدر فقر

و ضرورت بتون مسلمینه شامل ایدی . مسلمین آچلقدن بر مرتبه به کلشدر ایدی که برچوق زمانلر و لاسیا احزاب و قعه سنده بر مقدار خرما ایلہ اکتفا ایدبورلر ایدی . مدینه منوره به هجرتلری و باه و حمانک صالحین اولدینلی بر زمانه ، صادف اولدینندن برچوق نفوس ضایع اولمشیدی . بوشداند و مهالکه صبر و تحمللری فیاض نتیجه لر ایلاد ایلدی . قرق کشی ایلہ میدان او قویان مسلمین میابونلر تشکیل ایتدی .

بلانک قبل الوقوع اخبار بیورلمسی ، نفسی بلایه توطین ایتک و آتی تحمله و آندن استفاده به نفسی حاضر لاق ایچوندر ، چونکه بر مصیبتہ بردن بره طوتلق بعدالانتظار کرفسار اولمقدن دها مشکلدن ، و انسانی شاشرتور .

برکت زاده

اسماعیل حق



## احتکاره قارشی شریعت غرانک احکامی

بر خیلی زماندنبرو داخلی و خارجی پک چوق مصائب ایچنده یورلانلیور و یجه امراض اجتماعیه ایلہ مجادله ایتک مجبوریتندہ بولنیور ایسه کده بونلرک ایچندن اسعارده کی غلای فوق العاده بو کونلرده پک زیاده بادی شکایت اولیور . فی الحقیقه بو مرض مزمن کیتدکجه اهمیتنی آرتدیرمقدہ ، اتحاد اولنان تدابیر و صرف اولنان مساعی به رغماً سیرینی تعدیل ایتک شویله طورسون ، کوندن کونه تهدیدکار بر وضع الہرق قبلرمنه معاذالله نتائج ایهمی موجب اوله جفی قورقوسنی القا ایتدیکی کبی عاقبت بین اولنلری ده درین درین دوشوندور . مکده در . واقعا شوآفتک اوکنه کچامک ایچون شمدی به قدر پک چوق قوانین و نظامات وضع و قرارنامه لر نشر اولندی ، بونلردن نواقصی اکلاشیلانلری دفعات ایلہ دیکشدرلدی ، شیمدی ددها یکیلری یا بلق اوزره بولنیور ، بر چوق متفکرین جانبدن ددها بشقه درلو بر طاقم تدابیر توصیه اولنیور و غرنه لر طرفندن ده هر کون باشقه بر صورتله حالدن شکایت اولنوب طور بیور . بزنه شیمدی به قدر پاییلان شیلرک اصابت و عدم اصابتی ، نه توصیه اولنان خصوصاتک کفایت و عدم کفایتنی تدقیق ایتک ، نه ده شخصی مطالعاتی درمیان ایتک فکرنده یز . بلکه شریعت غرای احمدیه نک بو باده مطلع اوله بیلدیکمز احکامی وضع انظار قارئین ایدرک تدقیق و محاکمہ ارباب مطالعه به ترک ایتک ایسته یوروز .

فیثات اشیانک فوق العاده ترفع ایتسنک پک چوق سبیلری و ارایسه ده بونلرک جمله سنی آتی الذ کردرت سببه ارجاع ایتک ممکندر :  
۱ — اشیانک ندرتی ، نقدک کثرتی و وسائط نقلیه نک عدم کفایه سیدر .

۲ — بعض مأمورینک وظیفه و نفوذ مأموریتلری سواستعمال ایدرک احتکار ایللری و یا محتکرینه معاونتده بولنلریدر .  
۳ — بر کونه نفوذ حکومتہ استناد ایتکسزین اصنافک احتکار ایللریدر .  
۴ — ذی قدرت کیمسه لرک آتیدن عدم امنیتلرینه مبنی احتیاطاً احتیاجات ضروریلری فوقندہ مال ادخارینه قالدیشمالری و برده بعض کیمسه لرک اموالی اسراف ایتلریدر .  
شو درت شکلدن هر هانکی برینک سببیت ویردیکی غلای اسعاردن طولای اولوالامرک عهده سنه ترتب ایدن وظائف شرعیه بشقه بشقه اولدینندن بزده بونلرک هر برلرینک آیری آیری تدقیقنی مناسب کوردک .

برنجیسی — دیکرا وچ سببک مداخله سی اولقسزین و عرض و طلب قاعده سنک تمامی جریاننی اخلاص ایدلکسزین سنن الهیه نک ایجابات ضروریلرندن نشأت ایدن غلای اسعاردن . بو تقدیرده بایع ایلہ مشتری بیننده قرارلشدیربله حق فیثاته حکامک و اولوالامرک مداخله ایتلری و اشیا به نرخ وضع ایللری شرعاً ممنوعدر . نته کیم زمان سعادت نشان نبویده مدینه منوره ده بر کره اسعار ترفع ایلش ایدی . اهالی مدینه ذات پاک پیغمبری به مراجعت ایدرک اشیا به نرخ وضع اولنمسی استرحام ایلدیلر . ولی نعمتمز پیغمبرمن (صلیم) افندمن : «مسعر حقیقی قابض و باسط و ازق اولان الله عظیم الشاندر . بن جناب حقه سزدن هیچ بر کیمسه نک اوزرمده مال و قانندن بر کونا مطالبه سی اولدیننی حالده ملاقی اولمنی امیدایدرم .» بیورمشلردر .